


# KA PARIAH - 2



KA KOT SHAPHANG

KA JINGPHAWAR

KABA AR

DA U

**BAH DHONSING L. NONGBRI**

THANGSNING, KHYRIM SYIEMSHIP

P. O. THANGSNING, VIA SMIT

*(This book is published with the financial assistance from the State Government of Meghalaya)*

Acc. No. 9215/12.4  
 Class No. 895.931 N.73. Kot  
 Author Nongbi, D. L  
 Title Ka Kot Shaphang ka Singphawar

Borrower's No.	Due Date	Borrower's No.	Due Date
	<u>AUG 2014</u>		

Acc. No. 9215/12.4  
**STATE CENTRAL LIBRARY**  
**GOVERNMENT OF MEGHALAYA**  
**SHILLONG**

1. Books may be retained for a period not exceeding **15 days** by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. *Any such Injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.*

**Help to keep this book fresh & clean**

***KI KOT BA LA PYNMIH***

***DA***

***U***

***JUH***

***U***

***NONGTHOH***

- 1. Ka kot Mei Pa.**
- 2. Ka kot Saipar.**
- 3. Ka Budjer.**
- 4. Ka kot Ri Ksoh.**
- 5. Ka kot Rimbah.**
- 6. Ka Pariah ka kot  
Jingphawar.**
- 7. Ka la-miat.**
- 8. Ka Pakit.**



**Ka  
Pariah – 2  
Ka Kot Jingphawar.**


Ka Jingphawar ka dei ka Culture Tynrai jong  
U Khasi Ki longshuwa ki pyndonkam, ha ka trei ka ktah bad  
ki kam ia kmen ia sngewbha baroh

Ka phawar da u juh u Nongthoh ki don ha ka  
Kot Meipa, Ka Pariah bad ha ka Pariah kaba ar bad ka long  
kaba khraw shikatdei eh ha ka Culture ka Jaitbynriew

Da

U

Bah Dhonsing Lyngdoh Nongbri,  
Thangsning,  
P.O. Thangsning Khyrim Syiemship



## **Ka Lamphang.**

Ki 'niewhyndai bad ha ki por ki longshuwa k  
jongngi ki ju iathuhkhana shaphang ka por barim ba ki  
pyndonkam bha ia ki jingphawar Ki jaid bynriew Hynmew  
skum Hynmiew Trep baroh ki long kiba ia nang paidbali ha ki  
jingphawar. Man la uwei-pa-uwei u long uba smat bha bha ia  
phawar bad kumta kiba rit ki nangioh jingnut na ki rangbah  
Kiba rit ki ia pynbud ia kaba la leh da ki rangbah, wat ki  
kynthei ruh ki ia pynbud bad ki ia phawar haba bah khun bad  
pynshad khun Ki longshuwa baroh baroh ki ia sngewtynnad  
ia ki jingphawar ryngkat ka shad ka kmen bad ka nanghia:  
pateng sha ki longdien jong ki Kumta ka la long dustur riti ha  
la ka jaid bynriew ha ki por mynbarim.

Ha ki por mynta ka phawar jong ki briew ka  
la duna bha, la shu iohsngew tang tengkhat eh ha ki jingia iaid  
ka sngewbha ki briew La i kum ban jah pynban ka dustur  
phawar kaba sngewtynnad tam ha ka ri hapdeng ka jaid  
bynriew Te kumta khnang ba kan sah ka matti kiba rim bad  
la pynmih noh ha kine ki kot khnang ba kan neh kan sah pateng  
la pateng.

**U Nongthoh**

## U NONGTHOH

Ka kot Jingphawar kaba nga u Nongthoh, nga la lum la kynshew katba nga lah ei ban ioh namar nga dei uba la mlien bha ban phawar ha ki por ba nga dang khynnah bha Nga la ioh nuksa na kiba bun ki tymmen kiba long ki nonghikai phawar ia nga. Ha ka jingkynmaw jongnga kaba ym don ba tip shuh bad kumta ban pynneh pynsah nga la shu thoh

Mynta ki por ba dei ki por ba ia nang pule paidbah ki briew, kin ia tip kin ia iohi bad kin sngewthuh ia la ka tynrai jong u barim Mynta ba la duna palat ki jingphawar la kum ban shu jah mgar noh pynban. Te ha nga uba tip katba nga lah ei ban tip, nga la thoh bad pynmih noh da ki kot

Ki nongpule ia ka phawar, haba ki la pule bniah bha ki ioh jingmut bha bad kin sa nang ruh ban thaw jingphawar la ki jong ki jingmut Ha ki jingpule bniah ki lah ban proh jingmut da kaba suk.

Khublei khublei

Bah Dhonsing Lyngdoh Nongbri.

## KA PHAWAR.

Ka phawar ka dei ka jaid jingrwai kaba ka jingkyndud  
ka syriem ia ki jingput tangmuri Kaba u nongphawar u siat  
jingmut u kynthah bad pynkyndit jingmut ia ki kam, jinglong  
bad jingja.

U nongshna ia ka phawar, ia u ba la khot u myllung  
bad ki ia don bun bha ha ki por myunshuwa kaba long myllung  
Ki briew haba ki ia shongkai khrua ha ki por mynshuwa, ki ia  
kren biria para rangbah bad haba la ia biria bha ki ia poi pat  
sha ka phawar da ka jingsiat jingmut bad kynthah ia kita ki  
jingia biria lang jong ki Hangta ki ia rkhe para makı bad  
kumta ki ia phawar byrngia myllen Ha ki jingmhien paidbah ki  
ia nanglut ban ia phawar ia ki jaid kam baroh

Kane ka kot phawar kaba mynta ka long kaba kotdor  
tyngah ha ki jonglongtraı ia la ka jong ka jaidbyn briew La ki  
jingbha jingmiat, jinglehkmen, jingialong briew bad ki akor ki  
burom baroh

Nongthoh



## PARIAH

Ka ktien”Pariah” ka mut ia k1 briew k1ba kren ba khana  
bha ia k1 para briew da k1 ktien k1ba sngewtynnad, k1ba  
donburom bad k1ba shaikuen

Ka jingpyrkhat ban a1 kyrteng ia kane ka kot da kaba  
pyrkhat bad pynwandur katkum ka jingkordor jong ka jinglong  
jong ka Ia kane ka kot la 1oh na k1 sur jong k1 nongphawar ha  
k1 por mynshuwa, k1ba kren bha shar shar ia k1 briew, la ia k1  
khynnah, k1 samla bad k1 tymmen kumjuh bad kum ia uta u  
briew k1 ia khot uba pariah

Ia kane ka kot ba la shim na u nongphawar uba pariah  
bad ia kane ka kot la thoh tang da k1 jingphawar kiba  
sngewtynnad bad k1ba iar jingmut bha k1ba dei na ki sur pariah  
u nongphawar Kumta la dei h1 ban a1 kyrteng ia kane ka kot  
da ka kot **“Pariah kaba ar”**.

Nongthoh.

## *Ki Lynnong.*

### *Page No.*

1	Ka jingbatai ia ka phawar	1
2	U Samla Rangbah. (Phawar bashisha)	4
3	Ka Samla ba la san bha (Phawar bashisha)	6
4	Ka jingpyrkhat shongkha u shynrang. (Phawar biria)	7
5	Pyrkhat leit poikha u shynrang (Phawar biria)	8
6	Sngi leit poikha (Phawar bashisha)	9
7	Iaid lynti poikha u shynrang (Phawar bashisha)	10
8	Ka liang kynthei shaw lynti. (Phawar bashisha)	11
9	Ka jingpyrto ki kur ki kha hadien pat. (Phawar bashisha)	15
10	Rkai kiaw. (Phawar bashisha)	16
11	Jingpunkhun. (Phawar bashisha)	18
12	Jingkha khun. (Phawar bashisha)	19
13	Jer khun. (Phawar bashisha)	20
14	Kynhun Nongshat Nongkhein. (Phawar bashisha)	22
15	Burom ia ki kmie ki kpa (Phawar bashisha)	23
16	Burom Meikha 'Niakha (Phawar bashisha)	25
17	Burom ia la kiba ha iing. (Phawar bashisha)	26
18	Burom parabriew. (Phawar bashisha)	28
19	Ri Khasi shong pdeng pyrthei. (Phawar bashisha)	29
20	Ki jinghikai. (Phawar bashisha)	31
21	Ka iing ai jinghikai. (Phawar bashisha)	32
22	Ka shnong. (Phawar bashisha)	34
23	Ka Raid. (Phawar bashisha)	35
24	Ka Hima. (Phawar bashisha)	37
25	Ki jingiasiat khnam (Phawar biria)	38
26	Ki Nongjop iasiat. (Phawar biria)	40
27	Ioh mrad. (Phawar bashisha)	41
28	Ka phawar leh niam. (Phawar bashisha)	43

## 1. KA JINGBATAI IA KA RUKOM PHAWAR.

Ka Jingpule bñiah ia ki jingbatai ka long kaba donkam eh, ban khlem da bñiah bha ka long kaba eh ban sngewthuh ia ka jingmut jong ka phawar

Rukom Phawar.

Ka Jingphawar shisien ka lam, shisien ka pynkop ka dei shisien phawar

Ka Lam Ka dei ki kyntien kynud ba sdang shi lain

Ka Pynkop : Ka dei ki kyntien kynud ba bud shi lain.

Ka jingsdang phawar U Nongphawar u pyrtā shwa ah  
 ha duh shisien pynhiar mynsiem, u sdang pat ia  
 ka lam bad mar ia kut ka lam ki la ia pyrtā lem para ba ia don  
 ryngkat da kaba ia ong hei . . . Haduh shisien pynhiar  
 mynsiem bad hangta u nongphawar u sdang ia ka pynkop  
 kaba long ka rai jong ka nia bad bun hi ruh kiba pynkop beit  
 ia kaba ong hei . Bun ki nongphawar kiba shim  
 beit ia ka lam bud beit ka pynkop ki risa kynkiw kynhur kynhir.  
 K1 briew kiba nangbha ia ka phawar k1 laid thik ia ka dustur  
 bad ka ia shad K1 bym pat da nangbha pat ki phawar lymmu  
 tamasa

Ka risa kynkiw, kynhur, kynhir bad kynhei ka dei la ka jong  
 ka jong ka bynta

Ka risa kynkiw: ka dei ha ki jingjop, iohmrad bad jingbiria.  
 Kynhur kynhir : ka dei ha ki jinglum symbai bad ha ka lehniām.

Kynhei. ka dei ha kaba ktah ka jingklusai kaba ju pynban  
 hei hei hei .....

Ki jingphawar ki don arjait, ka phawar biria bad ka phawar bashisha.

Ka phawar bashisha ka long kaba pynsgewthuh lypa, ba ka lam ka kdew beit beit ia ka kam bad ka pynkop ka pynshisha beit ia ka lynti kaba dei

**Ka nuksa harum :-**

Kane ka dei ka phawar ba shisha bad kaba dei ha ki bynta ka akor

Lam : Ha la iing i mei pa, ki iathuh ban mih shabar,

Pynkop : Akor kaba bha, te ha ki ka ieng synshar

Ka Phawar bashisha nangne, la iohi shai ba ka pynkop ka pynshisha shuh shuh ia ka jingkdew ka im

Ka jingmut jong kane ka phawar, ka dei ia ka jinglong don akor jong k1 briew. Lada ki donkam tang i barit ruh kida iathuh ha iing bad kumta haba ki leit jingleit sha la k1 kam kida mlien kumjuh. U nongphawar u la iohi ia kane ka akor babha kaba synshar ia ka iing jong k1 bad kumta u la phawar da ka phawar bashisha.

Ka phawar biria ka ia pher na ka lam sha ka pynkop, namar ka jingbiria jong ki ha la ki jong k1 jong k1 lynti Ki ia siat jingmut jngai na ka lam sha ka pynkop bad haba la pynwandur bha ka ia hap lang hajuh.

**Ka nuksa harum :-**

Kane ka dei ka phawar biria kaba dei ia ka kam.

Lam : U shrieh ba la ngat, te sha iew u leit die;

Pynkop: U ba kyrkieh palat, u ju don ka jingbabe.

Ka phawar biria hangne la iohi, ba ka lam bad ka  
pynkop ki iakdew la ka jong ka jong ka jingkdew

Kane ka jingphawar ka long kaba ia kynthah jngai  
khyndiat, uta u nongriam shrieu la shna jingriam pynlut por bha  
bad u la shna ha ka rukom ban nym mynsaw u shrieu Mar ia  
dep shna uta u nongriam u la kynriah nangta U shrieu ba luhia  
bha u la leit hangta bad u la luhia ka diang kamon U shrieu la  
ngat ha ka jingriam bad um lait shuh ban mih Uta u nongriam u  
la leit shim bad u la leit die sha iew bad ym don bathied ia u shrieu  
Uta u nongriam shrieu la babe, ba khlem da wad jingtip lypa ia  
ka jingiaid iew u shrieu ba la lut kai tang ka por U nongphawar  
shaphang kata u la phawar jing kynthah biria

Ki ba ia i pynmlien ia ki jingphawar

Ki khynnah rit ki ba phawar myllen ki dei ban pynmlien  
ban kynmaw lyndet da kaba ia i phawar kai bad hangta sa shong  
mlien.

Ki khynnah ki bakham heh kham san ki dei ban pynproh  
jingmut da kaba pyrkhata ka phawar kaba don jingmut kumno  
ki dei ruh ban pyrshang batai ia ka jingkit jingmut jong ka

Ki khynnah ki ba pule ia ka phawar ki dei ban pule ia ki  
ktien lamphrang jong u nongthoh namar ka jingmut jong ka  
phawar kam dei kaba jem.

Ki nongpule ia ka phawar haba ki kwah ban tip bha ia  
ka jingmut, ki dei ban peit bniah bha ba ka jingphawar ka kdew  
ia kaei ka phang kaba u nongphawar u kynthah biria ne u kdew  
bad u pynshisha.

Ju don kɨ jingɨaleh pyntɨp shaphang ka phawar kaba  
 phawar shɨsien phawar bad kɨ ju ɨa kyllɨ kaba mut ɨiu kata ka  
 shɨsien phawar kaba kum kata Kɨba lah kloɨ ban kem jingmut  
 kɨ ɨathuh bran bran ɨa ka jingshisha. Unongsngap usngap dngong  
 haba don kɨ nongphawar bad hangta u ɨathuh, ba kata kawei ka  
 phawar ka dei ka kam shong kha sa kawei pat ka kam shnong.  
 sa ka bɨria samla, ka shɨ ɨing, ka ɨasiat, ka ɨohmrad, ka jingɨa  
 sngewsih, ka lum symbai, ka jinghi kai, ka akor, ka kam bad  
 kumta ter ter u kem jingmut kaba dei ka jubab lam khmat

Nangta ka phawar ka don arjait Ka bɨria bad bashisha,  
 ka dei kaeɨ hapdeng kine ar Nangta pat u bataɨ ɨa kɨ jingmut  
 haduh ban da shai bha kdar

## 2. U SAMLA RANGBAH.

( Phawar bashisha )

Ha mynsiem ba la ktah, ba la don ka jingthaba;  
 Ba la san ba la rangbah, ɨi jingmut ko mei ko pa

Um ba shngiam ba diɨ, ba ym don te ka jingsma,  
 Na ɨing ba yn mih, to ɨi jingmut kaba shisha.

Iohi ɨa ka samla, ka dohnud te ka la khiɨ;  
 Ka pyrkhath ba dang duna, na la ɨing kumno ban mih

Jingmut la bun sur, U rangbah ba kham kynrei,  
 Rukom ka dustur, u shynrang pyniar pyrthei.

Ai jingmut ko mei, ɨa ɨi jingmut te ko pa;  
 Ha itai i thei, ka dohnud nga ɨai tyrha.

Ka buit ba dang buhreh, haba don ka jingiapmat,  
Itynnad naduh khlieh, itynnad haduh ki kjat

Kwai ba la pynkhreh, ban ia song ban ia bam lang,  
Mynsiem la shu kyndeh, ba ym don shuh kiba khang

Ym don ba pynthut, ba laioh ban ia iaid lang,  
la lang tang arngut, la ki ngap ia saw kyrang

Da uba kit ba bah, kaba dei ban ia pynbiang,  
Ka kam ka la shah, ban aiti noh ha u ksiang

U ksiang u la pynjan, la ka wan ho la ka leit;  
Ka shongkha shongman, ariang kur ban ia pynbeit

Ksiang nongpynshisha, la ka mon ha la ka diang,  
Mynjur la kur la kha, kumba thain ia u syrwiang

Ka ding kaba meh, ka jingsyaid ba noh shilliang,  
Kumno pat ban leh, lada mih ki dieng pynkiang

Ym dei ban ia rkhe, ba ym don jingdei bakha,  
Ynnai jingbabe, shu ia lait da jingsngewbha.

Da wad ia ka daw, haba thmu ia kam shongkha;  
Lada jingwit ka paw, ju ia lait khala khala.

Khlem daw khlem jingwit, kam shongkha to ia shim;  
Da ka jingshongshit, to kyntiew ka shong kurim

### 3 KA SAMLA BA LA SAN BHA

( Phaw ar bashisha )

Donkam nongkit nongbah, uba tip u khaw ka ja  
Samla ba la rangbah, la donkam u rangtyrwa

Bishar ko mei ko pa, to bishar ryngkat u Kni,  
la u rangtyrwa, la dei por ban khmih lynti

la u briew ba smat, bym pat dor ka shongkui m,  
Sani ha jingpyrkhat, la ka dei ne em ban shim

La thiang tang ha bai, la ha ing khle' don' bor,  
Bai laut ka jynjai, bishar bniat ia k' ' or

Uba don ba em, ka jinglong kaba khyilev  
Tengkhat ba la shem, shah kyidem kum la khyndev

Rangbah ba don bui om, ba donakor u khy nraw.  
Jingbha im junom, ka jingiaeit kaba l' hraw

Ha la ki kime ki kpa, ki pyndem la ki' nuhmat,  
Ka ieng ka jingshusha, ka akor haba ryngkat

Samla uba iapmat, sdang najngai ka jingbishar,  
la dei ka jingpyrkhat, u pynjan ha sub ha thia

U peit ia u tnum, u da peit ia ka rympei,  
Iarap na ung ha lum, u shynrang u nongai ei

Ha ki kam shongkha, leh kyrkieh ka bym dei,  
Ba ka jot ka pra, ba ka inth te kham kynrei.



Shongkha kaba janai, ka jingim baroh shi-rtai,  
Tang shu leh kamkai, ka jingjot shu kha-ma-kha

Ban lai ap ka la lah, khlem jingdik khlem jingklusai,  
Kynthei ba la rangbah, ka im suk im sain kynjai

#### **4. KAJINGPYRKHAT SHONGKHA U SHYNRANG ( Phawar biria )**

Pynthor i bakha, ba ngan lur la dei samoi,  
Duwai ko mei ko pa, ngan pyniar ba ngan pynroi

Kyllain ia ka spong, to ia peit da ka khor,  
U masi kyrtong, u la dei ban kit lyngkor

Mur mur u sohniamtra, ba la dei ka por ban kheit,  
Ailiang ki kur ki kha, ba la dap da jingia beit

Ai masi ia tur, ka por tlang ba heh u thah;  
Ban mih na iingkur, ka mynsiem ba sngewkynjah

Kaba rem ne kaba tad, ba la lap haba wad,  
Skhem la jingpyrkhat, dei hangta ba sngewtynnad

Jingiewbih u syntiew, wa balei ba tlor ummat,  
La shong bat khohsiew, ba jylliew ki jingpyrkhat

Ka ksing ba la tem, baroh baroh la ia khih;  
Dustur ba long lem, ba la dam ka jingsngewsih

Haba iaid marwei, ba la snoh pynban ka tah,  
Ha ita i thei, ba la teh ka long rangbah

Jwain ka rymeng, la beh lut ia ki khnai,  
Sdang la ka seng, ha jingkhreh la kam thymnai

Kynmaw por dangkhie, lyngki jingmut u samla,  
Ym dei ban babe, ba U Blei u la bynta

U ksai u thymna, ba la buh halor ka miej,  
La biang la ka rta, te beit beit bad i baen

Buh bha u mawpun, ba iaid lynti i bah i kong,  
Sumar i lok i khun, la kum rymeng lajong

Phah thaw ia ka khoh, to da ai ka jingsaundur,  
Jingmut to da pynproh, ban ia biang ka ja ka jhu

Kem ia u sniang, na kti na kjat to da teh,  
Ka por ka la biang, ban pynkloi la jingkhreh

Ia u sdie da shut, ban phymnai ban itynnad,  
Kut la ka jingmut, sha ungkhun da shong ryngkat

## **5. PYRKHAT LEIT POI KHA U SHYNRANG.** **( Phawar biria )**

Sumar u khaw u kba, kit lyngkor u shynrang,  
La suk i me i pa, bad i thei ban leit sah lang

Kynther ia u stait, to ia lum ia u symboh;  
Ha la iing kur iing jaid, ki ia ieng kyrkhu kyrdoh

Jreng la i dur, la ka buit uba bun,  
U kni ha iingkur, u longkpa ha iing khun

Ba dei hi ki por, ki kjat sngi ki la shat,  
Kyrhai ki lok ki jor, ba ia wan ia kmen ryngkat

Peit u nongthaw shang, da kumno ba u pynwai,  
Ka jingduwai kyrpang, u longkni ba u la ai

La bthah te i ma ma, ban sumar ia ka tala,  
Ia peit hymmen para, ba u bah un leit poikha

Jingber jingshoh baroh, ha u maw ba la tylliit,  
Da ia kyrkhu kyrdoh, ba un sa ioh jingbha jingmiat

Shnong ba ia jan, ba ia tip ba ki ia bna,  
Baroh ki kha ki mai, ki duwai kyrkhu jingbha

Baroh ba ia tip lem, ba ka por kam ju sangch,  
Kyiad um ia nguh ia dem, u shynrang u la pynkhreh

Da nguh ia la rympei, ban ia mih ia thaw pyrthei,  
Ka por ka la dei, ban ia mih na iing i mei

## **6. SNGI LEIT POIKHA.** **( Phawar bashisha )**

U ksiang u la kylli, ba la dep ne em ka kam,  
Ha jingiaid lynti, ba u dei u nongialam.

Ba la ng barol, ki ubab in jingshisha.

Khreli ban ra ruih nob, ba la dei ban iaid myuta

U Bler u don ryngkat, to pynroi to pyniar,

La phuh ki khmut ki khmat, da jingkyrkhu baroh p

Khyadi it ia dii kyad um, ba la mih te u shynrang

La shai ne lada dum, ba la dei ka por kyntang

Ktien danda ba la kyntan, ki kynthet la sangew salta

Kim shah ia ki kynthet ba palat ka ktien biria

Kynthet tang kaba shlor, ki ia iaid biria ryngkat,

Ha ita i sur, ki ia iaid da jingphuhma

Ktien biria danda, leit poikha u shynrang

Dustur la don rypa, ym ju bit te ban ia kh ung

## 7. IAID LYNTI POIKHA U SHYNRANG.

( Phawar bashisha )

Naduh khleih haduh khongdong, itynnad u rangbah,

Ha ita i kong, iba pylion te ka khohwah

Da ka sub ka thiar, i kynthet pynkhreh lypa,

Jingiet ba la wan liar, un wan theh u khaw u kba

Phawar ha jingmutdur, ba ia dap da jingsngewbha.

Ha ita i sur, ka jingiet kaba nylla

Lah te ka burom, ia ka rong kaba phur phur;

Sal, ka nam junom na ki kha haduh ki kur

Iaid na shnong k1 briew, ba la don uba halla,  
Nangne me wan kiew, shi klat kyriad la shain kuna

U kni u ai pynkloi, ia kata ka jingburom,  
Ha jingrisa kynhoi, te shaphrang ba la nang mom

Ia peit k1 nongpeitkat, ki samla k1ba dangkhie,  
Ha sur ba janai, shu rymmoin ia phuh samrkhie

Ia shad ia kyrdem, ia peitka1 i bah i kong,  
Sha kata ka sem, ba ialam ia u kyrtong

Nongpeitkat k1 ia shri, da u ksiang pat u sngewthuh,  
Ia nongshaw lynti, ba la jan ban ia kynduh.

## **8. KALIANG KYNTHEI BASHAW LYNTI.** **( Phawar bashisha )**

Dustur kaba dei, la ka dustur la ka riti,  
Kni jong ka kynthei, ia u longkpa leit shaw lynti.

Ia lang da ka kynhun, ki para la ki pyrsa;  
Kyrhai ba ia bun, ia leit shaw ia u longkpa.

Ia wan haba ryngkat, ba la ong u tymmen,  
Ban ai jingpyrkhat, ban ia biang ki jingiakren.

Hangta ba la ia shem, dei ban kren u Kni uwei;  
Ia jingrisa un tem, da U Kni jong ka kynthei.

Shiteng lynti ia ap, la iohsngew ia jingrisa,  
Hei ia sngew ia sngap, uta la dei te u longkpa

Tang khyndiat shuphang, ki la poi haba ia ap,  
Jingkylli u kni la sdang, baroh arliang ki ia sngap

Shaei kumne ia iaid, itynnad ia lang kyrhai,  
To ia ieng jah thait, la ka kren khana sadhai.

Sha iing i kongthei, hei wat dom wat bitar,  
Jingpoi kha te ka dei, ban pynroi ho ban pyniar

To khublei ho kumta, to sngewbha ia jingkylli,  
Ngi burom ia u kpa, ngi wan shaw na lynti

Kni jong ka kynthai, jingkylli u la ban biang,  
Jingkylli ka dei, ioh pynwit ki dieng pyngkiang

U ksiang u la jubab, haba sngew hi baroh phar,  
la ka nia uba da ap, uba long uba adkar

Ym don te kiba wit, ba ym don te kiba khang,  
Ngi sngewbha shongshit, la u khun samla shynrang

Siat khnam da ka ryntieh, u da ap ia ka hukum,  
Um ju leh kyrkieh, ban pyndei beit ha ka skum.

Suk ki kmie ki kpa, ki la phah ia la u khun;  
Ba u ia dei bakha, ban pyniar ho ban pynbun.

Sahngeh ka jingbiria, ba ngan kdew khala khala;  
Ha ka kam shongkha, dei une te u longkpa.

U ni jong ka kynthet, jingshisha ba u la shem,  
Kunta ia ai khublei, ha ryngkat ia ngu h ia dem

U kni jong ka kynthet, la u kwai ba la phah sam  
Dustur kaba dei, kwai ia song ban ia ham

Kwai jong u samla, ba la sam markylliane,  
Dustur kaba shisha, ha ki sur ba bit ba biang

U kni jong ka konge, ka kyiad um ba u la sam.  
Dustur ba julong, ha jingkyntang ba don nam

Kyiad um u shyntang mar kunta hi la pynmih,  
Ha ki jingbha lang, ha jingkmen ba la ia di h

Ka sur kaba dei, shuteng lynti la dep baroh,  
U kni jong ka kynthet, ia baroh la khot iaid noh

Baroh ia ia iaid, ba la khot u 'ni U kong,  
Ryntih baroh shaid, la ki dustur kaba julong

U kni jong i thei, u hukum ban ia phawar,  
Ha ka burom U Blei, ban nang ia heh ban nang ia iai

Ka ma ka jutang, na lynti ba la ia biang,  
Kmen baroh lang u longkpa u nong pynphriang

I mei ipa jong i thei, i sharai ha ka phyllaw,  
Dustur kaba dei, dei u kni u nongwan shaw

Synran kiba nang, ki iaid lang bad u samla,  
Peit ki jingiaid lang, da itynnad da i muja.

La sah khana parom, la ka nam ka la nangpaw,  
La shah pyrto junom, ia ka jingkyntang bakhraw

Katno ka jingiphuh, lan ia peit da itynnad,  
Nongialam ba sngewthuh, hai kyrhai ia iaid ryngkat

Bun ki nongpeitkai, ba ia peit ba ki ia jngoh,  
Paidbah ba iaid kyrhai, kiba iai kyrkhu kyrdoh

Khynnah samla tymnen, ki kynthei la ki shynrang;  
Ki dap da ka jingkmnen, ia ka sngi kaba kyrpang.

U kni u pynkynmaw, da ia iaid lymbung lymbung,  
Jan poi ha phyllaw, ha la iing baroh ia rung

Ka kmie ba khmih lynti, ha khmat ka iing la ap lypa,  
Mar ia poi ka la kylli, dei mo te i longkpa

Na tyrpeng u bat, u longkni te u la ong,  
Samla ba itynnad, dei une u jong ka kong

Ka la bat arti, ka da nguh hangta habar,  
Ale pynroi ia ngi, ko longkpa ko nongpyniar.

Da ka kti kadiang, ka la bat na kti kamon,  
Ka btin te da biang, kum ka hok kaba ju don.

Ka kmie ka nongbtin, ka pynshong haba ryngkat;  
La jingduwai hin hin, la dustur baskhem ka bat.

Shynrang na ka mon, ka kynthei na ka diang;  
Synran ki ia don, ha la ki jong ki jong ki liang.



Ka kmie phah samkwai, liang shynrang hadien kumjuh,  
Kat kum ki sur tynai, la dustur ba ia sngewthuh

Nongduwai ha iing, la ka suit ha la ka shor,  
Ban ia puh ia phieng, u kyrpad ia U Blei nalor

Lakait, kpu, kyiad um, bad u klong ne bad u skaw,  
Jingduwai u lum, ha ka bor U Blei Nongthaw

La dep ka nguh ka dem, la pynkloi ka jingabam,  
La dep ka jingpynskhem, im kyrteng bad sah ka nam

Kita ki shijur, ka juh ka pliang la ia bam lang,  
Kata dei ka dustur, ha ka por ka jingkyntang

Ka kmie ka ai shylliah, ba la biang ka por shongkai,  
La dei ka por thiah, ban jah thait ban jah sohkhrai

Peit miet te ym dei, da ka kmie ka la khang,  
Ka jingduwai ia U Blei, dei ka miet kaba kyntang

## **9. KA JINGPYRTO KI KUR KI KHA HADIEN PAT.** **( Phawar bashisha )**

Ani haba kynmaw, ia ka sngi ka jungpoikha;  
Burom kaba khraw, ba la sah ki khana.

Kynmaw naba sdang, ba la dap ki jingiaroh;  
Na iingkur u shynrang, ba ki ia kyrkhu kyrdoh.

La shem shiteng lynti, dei hangta ba ki ia kren,  
Jubab bad jingkylli, khyndiat por la ia myllen

Ia kren para ba nang, ba ia thew ia kaba dei,  
Dep jingiaki en lang, la iaid beir sha iing kynthei

La poi ha iing kynthei, kmie ka pdiang naduh nabar,  
Ka kyrkhu ia U Blei, ban nang ia bun ban nang ia iai

Jingkyntang kaba khraw, nongduwai u la pynskha in  
Da u klong u skaw, u la nguh ba u la dem

Jingkyntang ba janai, ba pyrkhat ba da hun,  
La ki dustur tynrai, ka burom kaba shongkun.

Khynnah samla baroh, da kynthop la ki kam,  
Ban thung ia ki soh, ha jingshongkun ba khraw tam

## 10. RKAI KIAW. ( Phawar bashisha )

U kni u la pyrkhat, rkai kiaw ban ia pynjan,  
Akor ba bha u bat, ban ia biang ka leit ka wan

Pynbiang la ki jingthmu, da pynbiang la ki jingkhreh,  
Ka kait la u kpu, la ki rneng da song da teh

Sha iing u shynrang, da jingtip ba la buh sngi,  
Kyrhai ki ia iaidlang, u shynrang u lam lynti.

Ka kmie la u kpa, ym ju bit ban ia iaid lang,  
Ba ioh ka wan jia, ka jingsaitlah ka jingtam-ang

Khang k1 tymmen, kmie ki kpa ki kohnguh;  
K1 dap d1 jingkmien, ba k1 long kiba sngewthuh

La poi ha iing kiaw, u shynrang ba u la ong,  
Ia ka kmie u pynpaw, dei kane ka bnew la jong

Ka kmie ka khublei, baroh arti ba ka la bat,  
Ban iar ha pyrthei, ka kyrkhu duwai phirat

Ale to da rung, to ia rung h1 te baroh,  
Jingkren ba myllung, ha k1 sur ky1 khu kyrdoh

La a1 rneng sngewbha, markylliang ba la sam kwai,  
K1 ia kren ia khana, la k1 hok k1 sur tynrai

Ka jingphuh iphieng, kaba don la k1 jingmut,  
Sha la kiba haung, u shynrang u ia lam lut

Rneng ba k1t ba khung, leh kyrpang la leh janai,  
Kat haba k1 rung, ki da sam k1 da a1

K1 ktieng ba myllung, ki syrpuđ k1 ia syrpa1,  
Kat haba ki rung, ki da ioh ki jingduwai

Dustur kaba shisha, da la dep te la ka shang;  
Sahmiet ka sah ia, ha iing kmie jong u shynrang.

Dap da jingbynnud, ba dang kwah ban shongkai;  
Ka sngi kaba bud, sha la iing ki la leit phai.

La teh ia ki jingmut, ha uwei te u khiewja;  
Kita ki arngut, la longkmie bad la longkpa.

## 11. JINGPUN KHUN.

( Phawar bashisha )

Kynthei ba armet, ba ka sdang ka jingshohlung.  
Hei ho' Wat ia klet, ba la sdang ka kit ka khung

Jingtrei leh borbah, wat leit kob wat leit sarong,  
Ia leh katba lah, ban sumar la snier lajong

Lada shah ban trei, ia trei jem ia trei jai jai,  
Ban sumar ka dei, ia ka bor da kham tyngkai

Ban ia trei borbah, ka pla khun te ka kyrbeit,  
Jynjar kiba saitlah, te ka suk ia kiba ngeit

Haba la bun bnai, ka pla khun ba ka la skhem;  
Baroh ki sngewthuh shai, ki kynthei baroh ki shem

Ah wat ia rkhue, ba danda ki jaid jingthrang,  
Jingkwah jong ka kmie, ba i khun i ioh bam lang

Ka bha ban pynioh, ia jingkwah ka nongpunkhun,  
Ynda la dep kha, lait jawduid lait ka thlun.

Ka long kaba donkam, kumba ong ki tymmen;  
Nongpun ka bam jingbam, ia i khun ruh ba pyntngen.

Longkpa kiba stad, ki la long te kiba shai;  
Ki kloï ban ia wad, ba ki tip tyllong tynrai.

Ki kynthei ba bun, jingbam phylla ba ju kwah;  
Ba donkam i khun, haba kit haba ka bah.

Jingbam ba kwah bha, ba la ioh rukom badei,  
I khun de la kha, ba i dap da jingpalei

Ah wat kren thala, ia jingkwah ki nongarmet,  
Ha ita i bynta, da pynioh te da pynstet

Ki dei ki jingshisha, ha ki paid kynthai ba bun,  
Sngewbha ki kmie ki kpa, ba ia koit ia khiah ki khun

Suk hi ialade, ban kitkhia la ka bynta,  
Jingkwah jong ka kmie, ka pynbiang jingpun jingkha

## 12. JINGKHA KHUN. ( Phawar bashisha )

Shiphew bnai la dap, ba la dei ka por ban kha,  
Ka jain-it jain sop, la pynkhreh pyndon lypa

'Niakha ba thied kait, mar ia kha la ai jingtip,  
Ym dei ban kyntait, ka 'niakha ba khraw nohsib

'Niakha ki wan jngoh, tang shu tip ba ioh khun rit,  
Ki wan kyrkhu iaroh, da jingkmien ba iai shongshit

I khun kdup ka kmie, te u kpa ha la ka kam,  
Ki ia phuh samrkhie, ktien 'niakha ba kordor tam

Ka kmie jingthait la jah, sha pyrtnei i khun la wan;  
Khraw ka koit ka khiah, da ia khraw jingheh jingsan

Khunlung ba khyndiat sngi, da sumar ha jingiarah;  
Da kdup bha ia i, ba ioh ngat ka lyer ba pjah.

Ka sngi ba la bun, ban ia bah ba la long,  
Ka kmie ia i khun, ka la bah kyndong kyndong.

La bun la ki taiew, ba la bun te la ki bnai,  
Ka bah sha khyndew, ka phawar bad la ka rwai

Biang ka buin ka bam, ki ia kynoi kumba shad,  
Ki ju sngap ka iam, ha ki sur ba sngewtynnad

Bun bnai i khunlung, ban ia peit ba itynnad,  
I ieit i myllung, ia u syntiew ba kham palat.

I khun ba shait rkhie, iba dap da jingpariah;  
Jinghun jong ka kmie, ka jingthait jong ka la jah

Khunlung pat iba swai, iba iam ha la jingpang;  
Donkam ki dawai, da ki nongai kiba nang.

Jingkoit kaba donkam, ba ia wad la buit la bor;  
Ban koit te ia kitram, ba ka long kaba kordor.

Da lait ki jingpang, jingsumar kaba bha;  
Ia kmen baroh lang, ha la iing ki kmie ki kpa.

### **13. JER KHUN.** **( Phawar bashisha )**

Baroh ban pyniapher, ba ju khot hateng hateng;  
Da ka jingiajer, la jong ia jong ki kyrteng.

Jer khunlung khynnah, jingpynkhreh ka kmie u kpa;  
Sha iing 'niakha ju bah, ia jingjer ban pynthikna.

Pyrkhat ia jingjer la iwei ne kiba bun.

Ia jingsumar su' hei ban en ook eh daw ki khun

Meikha ba ngewi ynnad, ia buh sngi ban ia pynskhet

Kyrteng kiba la wad ban a nguh te ban ia dem

Ia teng ia la hok, ka 'makha ka bynta khaw

Ea kin ia eh ka bok la ka a mu ba kin ia paw

Dustuu ba ia teng, ba ka hok ka ap beit tiang,

Ban neh ka kyrteng ha ka jingkhoh kaba biang

Nongdung ki la bei, ia u khaw jong i 'makha,

Dung ia u pujer, da u khaw ba la bynta

Kpu bad kyriad uia, ba la thep lang ha u skaw,

Ki tiar baroh la lum, ban duwai ia u Blei Nongthaw

Ki tiar hapdeng u prah, ki tiar heh la buh harud,

Nongjer dei u Rangbah, Jingduwai u la kynud

La sdang ka jingjer, pyrshah dwar wat ia teng,

Da sumar sukker, ban pynskhem ia ka kyrteng

Nongjer u kpu u bat, kjat ka diang khunlung u thoh,

U da duwai phirat, la ki jingkyrkhu kyrdoh.

Ki kur na kjat ka diang, ia ki kha na kjat kamon,

Thoh kpu jer da biang, riti ka hok kaba ju don.

U Kpa depjer iwei, tian pujer laisien lai wat;

Sa mih shabar ka dei, sa bta um ba kin ia smat.

La iwei pa iwei, ha ka juh beit hi ka sur,  
Ha jingbynta u Blei, ba la long te ka dustur.

Kpu jer ba ia sam, ha u prah ne ha u shang,  
Dep jer to ia bam, ki kynthei ne ki shynrang

Ha prah ne ha shang, pynphai iing khyndiat pyntam,  
Ba dei ka jingkyntang, ka dustur jong ka kam.

La dep ka jer ka thoh, ha ka hok ba la ieng,  
Da jingkyrkhu kyrdoh, ba la skhem ka kirteng

#### **14. KYNHUN NONGSHAT NONGKHEIN.** **( Phawar bashisha )**

Naduh hyndai hynthai, ka bor Blei ba la pynkhreh,  
Ka hok ka tynrai, ka jutang ka la iai neh

Hyndai dang paw U Blei, ha ka sla jong ka ram-ew,  
Jingbthah baroh u sei, ban ia tip ki briew u kdew

Ki briew ki la ia nang, ia jingbthah ki jong U Blei;  
La sah ki jingianang, ha ka sla jong ka pyrthei.

Ka um ka ding u khaw, la ki syiar la ki pylleng;  
Jingkyntang ba khraw, jingbishar U Blei ka ieng.

Jutang kaba skhem, ba la ai u Trai Kynrad;  
La ka nguh ka dem, ka duwai la ka phirat.

Bynriew ha ka pyrthei, U Nongthaw uba btin;  
Ia kren ia u Blei, ha ki dak ha ki shin.



Mynmiet la mynsngi, kiba ngeit te ki da lap,  
 La ieng ka jingkylli, ki ia peit ia ka jubab

U kni ba khan pylleng, ka khan khaw khan shaman,  
 Tylli ka hok ka ieng, ba la paw ha ki kam

Kylli ha jingkylli, ha ka khan ha la ka luh,  
 U Blei ha la ki sngi, u pynpaw ha jingathuh

Jingkylli kaba khraw, te da ap ia kaba dei;  
 Ka jingpyni ka paw, ka jubab ka jong U Blei

Jingtngen ha pyrthei, ha ka hok kaba khraw;  
 Jingkren jong U Blei, da ki dak u pynpaw

Jingkylli kiba khreh, ban ia tip ka bha ka sniew,  
 Jutang ba u la leh, ban jubab ia u Khun bynriew

Jingkylli ba shongnia, ba ka dei te kaba khraw;  
 la ka jingshisha, ka dak U Blei ka la paw

La shat ki jingkylli, ha ka hok kaba dei,  
 Wat la kim lah iohi, wan ka bor te na u Blei

Ieit ia U Blei, ha la ka hok ba donburom;  
 Niam tynrai ha pyrthei, kaba neh ba im junom.

## **15. BUROM IA KI KMIE KI KPA.** **( Phawar bashisha )**

Nongpun ki nongkha, la ka bsa pynheh pynsan;  
 Burom la kmie la kpa, ha pyrthei ia long ia man.

Ap ia ka hukum, da ia ngeit ia ki jingbthah;  
 Ia kynshew ia lum, ban ia nang da la rangbah

Jingkohnguh ba bha 'am, ia ki kmie ki kpa la jong,  
 U Blei u nongialam, jingkyrkhu u ai najrong

Khynnah ne ki samla, ka burom da ia bat hok,  
 Long ki briew ba bha, kin ia nam ki paralok

Ba trei shitom kordit la ka kti kamon kadiang,  
 Kat ba dang ia rit, dei u kpa u nongpynbiang

Thiah suk la kham niar, la ki kam ruh kiba bun,  
 Ka kmie ka thiah husiar, ba dang rit la ki khun

La shem ki jingduna, la bat khlieh ki nongialam,  
 Ha ki kmie ki kpa, kiba shah ka jingkitram

Ki khun dang ia rit, ba jynjar ki kmie ki kpa,  
 Jingim dang kordit, ba dang bun jingdawa

Da swar da pyrkhat, ha ki rta jong ka jingim,  
 Kiba saitlah palat, ki ju ngat ka jingtim.

Kynmaw ia ki nongbsa, ki ialeh ka kit shitom;  
 Ia la ki kmie ki kpa, leh tynggeh ban ia burom.

Ia kita kiba tip, dei U Blei uba kyrkhu;  
 Ju bha ka nohsib, ha ki kam ba ki thmu.

Ia ki kam thala, la ia ngiah ban ia sngap;  
 La don jingbakla, da ialeh ban ia pan map.

Ia la ki kmie ki kpa, kiba mlien ban pynmong,  
K1 briew baroh ki bna, ba k1 dei ki sniew jinglong.

Akor ba bha ban ioh, ia jingkohnguh to ia deng;  
Kiba halor baroh, k1 hikai k1 bthah k1 sneng

Jingpyrkhat da pynngam, wat sarong ha nga ha nga;  
Jingieit ba kordor tam, dei ka jong ki kmie k1 kpa

### 16. BUROM MEIKHA 'NIAKHA. ( Phawar bashisha )

U kpa ka ktien nyngkong, ha ka kmie u la kular;  
Jingieit ba khraw u ong, baroh shurta ba un sumar.

Meikha 'niakha i mynjur, ia ka jingwan jong i pa;  
Ha kata ka dur, ba 1 mei i ioh nongbsa

Meikha i da maham, i da bthah te ia i pa;  
Minot la k1 kam, la ki khun da ri da bsa.

Meikha ba donburom, i maham ban lait kordit;  
I pa i trei shutom, ha ki por ba ngi dangrit.

Burom kaba kordor, i da sneng i da bthah;  
Meikha 'niakha ba donakor, jingkyngmaw ba ka iai sah.

Sha iing i meikha, la ki kti ngi trei pynsmat;  
Baroh shipara, ngi ia trei haba ryngkat.

Ia meikha iarap jingtrei, ka mynsiem da heh da hain;  
Burom kaba dei, ban khlem trei ngi lehrain.

Pakhynnah la ki pasan, ki 'niakha 'niaman baroh;  
Haba ia leit ia wan, kiba iai kyrkhu kyrdoh.

Meikha khlem tyngkai, jingkyrkhu ryngkat ka kam;  
Ki jain ki ia ai, i burom bad ki jingbam.

Ka nam ka burom, te nyngkong ba i la bet;  
La sah pyrto junom, ki khun kha kim ju klet.

La don ki jingbakla, ngi pan map noh kloi kloi,  
Ban ieng ka jingbha, ha jingiar ha jingiaroi

Ngi da ia pdiang, ka jingbthah i meikha;  
Ba ngin ia bit ia biang, la jingim ha la ka rta.

Teng teng i ju phah, ba i don ka jingtman;  
Ngim ju ia saitlah, ngi kohnguh baroh lang.

Na iingkur i pa, kiba iai kyrkhu kyrdoh;  
Ia ngi ki khun kha, la jingkoit jingkhiah ban ioh.

Ka don jingkordor, ia ka burom kynshew tynggeh;  
Ka jingdonakor, ka burom kaba iai neh.

## **17. BUROM IA LA KIBA HA IING** **( Phawar bashisha )**

Burom shi iing shi sem, kaba bha ka jingpyrkhat;  
Jingbha kaba skhem, ka burom ba ia ryngkat.

I mei i pa nyngkong, bad hymmen la ki para;  
Kiba hikai myndong, ban ia lait ka jot ka pra.

Viei khynnah meisan, la ki kni la ki kong,  
 la roi ia long ia man, dang dei hok te ki lajong

La ki para ai knic, nang ia bun la ki pyrsa,  
 Nangheh kiba dangkhe, ba nangbun kiba samla

Da miñ kiba dom, da pytkhat ia kaba dei,  
 Ban im ka burom, ba kan neh ka hok U Blei

Ia jingdon ia khang ba jingjot ka pynmin,  
 Jingdon, ba thaw sang, wat u ba kan khii

Ktien jingjamai, ialade kaba thadrong,  
 Burom ka phet sha jngai, ialade ba la duhnong

Bakla khyndiat tiak ba la kwah noh ban ia mai,  
 Burom ka duh ni jak, ka jingjot ka la teh ksai

Baroh te ia bakla, ym ju don uba biang,  
 Da kynmaw thikna, ba ym dei ban mangkariang

U sngew ba biang lut, kum kita te dei ki bieit;  
 Kum kata ka jingmut, la duh lut ka jingieit

Ia ka ktien ba khor, wat ju kren por ba dap;  
 Ju bha ka akor, ba bat skhem ban pynap

Jingmut kaba sniew, ba kan shong wat ia shah,  
 Jingbha kan kyntiew, ia kynthet ia ki khynnah

Bhalang bha ryngkat, ba ka lait ka sang ka ma;  
 Ia jingbha ia bat, ba ka lait ka jot ka pra.

Jingmut ba jemnud, ia pyndap ia la ka iing;  
Riti ka ju bud, da ka akor ba phuh ba phieng.

Ba ha iing la jong, la ki khun meinah meisan;  
Burom ba ka shong, da ia biang ka leit ka wan.

# **18. KA BUROM PARABRIEW.** **( Phawar bashisha )**

Ktien pariah pynriew, ba ka long kaba donkam;  
Ban ithuh para briew, ba ka long ka nongialam.

Ia iaid lynti myllen, ia kylli da ia pyrthew;  
Ha ki jingia kren, ka longkur longkh : la kdew

Ba ia jan ne ba ia jngai, ki marjan ne ki marpar;  
Ktien hok kaba shai, ka burom ka la nangiar.

Para ba kren hok, para ba tip ia ka akor;  
La long paralok, ha ka juh hi ka por.

Ju dei u ba sniew, uba dap da jingibein;  
Kum uta u briew, tang ki khmat u peit pyllein.

Ki dak ki ai nuksa, uba sniew te u kham niar;  
Ki briew ia uta, baroh baroh ki ia kiar.

Ktien kaba khain, ha ki kha ne ha ki kur;  
Ia kiba khlemrain, ynnai ia beh ynnai ia tur.

Ki briew ba tip akor, ia kylli longkur longkha;  
Ka ktien ba kordor, para briew ba ia sngewbha.

La don k1 jingbakla, 1a panmap k1 paralok,  
Jingmap ba shisha, ba pynskhem 1a ka hok

K1ba 1a leit 1a wan, ha ki jingeh ha jingshon,  
K1 lok ba 1ajan, jingiarap ba ju don

Ha k1 kam shipa, parabnew ba 1a ngat,  
Iarap khala khala, da pynstung da 1a pynsmat

Jingkren badonakor, 1a k1 ktien 1a k1 thylliej,  
Kynmaw barabor, ka pynlong 1a jingiaieit

Jingtngen ka buddien, jingpalei h1 1a lade,  
Ktien hok da pynmlen, por khynnah ba dang khie

Ym don k1ba 1s1h, 1a baroh k1 sngewtynnad,  
Jingbha ba 1a m1h, para jinglong ba 1a ryngkat

## **19. RI KHASI SHONG PDENG PYRTHEI.** **( Phawar bashisha )**

Ktien ki 'riewtymmen, ri khasi shong pdeng pyrthei,  
Shisha ka jingkren, ba 1a buh kyrpang U Blei

Sawdong ka ri Khasi, dei ka ri kaba shit,  
Ha ka ri jongngi, jingpyngngad ka biang ka bit.

U slap um ju jah, ha baroh ki saw aiom;  
Mariang ka wan rah, ka jingtngen shi junom.

Jia ba rang tengkhat, ba palat 1a ka phewsnem;  
Sohkseh mariang ka thad, ban pynphriang ha ka pyrem.

Lyer ba pyngngad, ba pynbang ia ki 'liewkhmut;  
Ki brieve ba ioh mad, jingiaroh kim ju kut

Ba bun la k1 wah, ri Khasi baroh sawdong,  
Ka um kaba pjah, ba ia di1 ha la ki shnong

Ka um kaba jngai, tang k1 shnong halor ki lum,  
Ia kren te ynnai, kwah pajih h1 ia ka um.

La wan k1 riw nongwei, ri Khasi ban ia ioh mad;  
Sngew juh te wow mei, dei ka ri ba sngewtynnad

Nongwei ri ba jngai, la wan poi ha ri Khasi;  
Iaroh syrpu1d syrpa1, ia ki lum ka ri jongngi.

Da k1 nongwei, jingiaroh kiba phylla;  
Ym don ha pyrthei, kum kane te ka jaka

Sngew da ia sngap, ki bym ngeit kam pher ei ei;  
Ri ba jur u slap, kaba tam ha ka pyrthei.

Ki doloi ki syiem, la ka ri sumar sukher;  
Kylleng shu syriem, ka tynrai te ka iapher.

Ka juh wat pyrshang, sha kawei pat te ka ri;  
Shu ia kren thawnang, ba dang tam ka ri Khasi.

Lyer ba iewbih tam, ba ka beh lynter ki por;  
Ka ri ba donnam, dei ka ri kaba kordor.

Ki longshuwa jongngi, ki sngewthuh ia ka thymmei;  
Ia ka ri Khasi, ba ki khot shong pdeng pyrthei.



## 20. KI JINGHIKAI. ( Phawar bashisha )

Dei ki kmie ki kpa, ba nyngkong ki nonghikai,  
Ki iathuhkhara, bad ki ai ki jingbatai

Ka kmie ka ju kylli, la iohsngew ne em ki shkor,  
Ban ia long tipsngi, ban ia long donakor

Kmie ka ju bthah, ta ki khun ba kin she mphang,  
Ialeh ketha lah, la ki khun ba kin ia nang

Ka ai ki jinglehkar, ba kan long ka jingjalang,  
Ban long jinghikai, ba ia dei ryngkat ka kam

Da ki sur bunsien, ba donkan ki kti ki kjat,  
Khynnah ba la mlien, ba la long kiba smat

Jinghikai kaba shisha, ban sngewthuh ia kaba dei,  
Thmu ki kmie ki kpa, ban ia nang ha ka lawei

Hikai ta ki khynnah, la pule ne la jingtrei,  
Batai ha ban da lah, ban nym long lekhohei

Jingbthah ka pynstad, da ialeh ban ia kohnguh,  
Ka ju plie ka lad, ha lynti ka jingsngewthuh

Khlem don ka jingngeit, la hikai ne lada bthah;  
Ha jingbabe beit beit, da la san da la rangbah.

Shah teh ha jingduk, la ki kam sharai kyndong;  
Mynsiem te ka suk, lah ki sur kamai lajong.

Sumar kamai lajong, wat ia kwah jong ki bried;  
Ba ka khyrwa khongpong, ba ka dei kaba sniew.

La trei la jaw syep, la ki kam ba ka kdew;  
Ha la i jong i trep, ban ia lum ban ia kynshew.

Kynshew symboh khaw, la pisa tyngka kumjuh,  
Shisha to ia kynmaw, ban ia im por ba kyrduh.

Ia ngeit ia jingbatai, da ia ngeit ia jingshisha;  
Kohnguh ia jinghikai, ba la ai ki kmie ki kpa.

Nonghikai nyngkong shisha, ban ia lait ka bieit tasam,  
Dei ki kmie ki kpa, nonghikai ba nyngkong tam.

## 21. KA IINGAI JINGHIKAI. ( Phawar bashisha )

Ka iing ai jinghikai, dei ka iing hikai jingstad;  
Nongtrei ia lang kyrhai, dei iwei ba long kynrad

Nongtrei ba bun balang, ki ia peit ha la ki kam;  
Khynnah kynthei shynrang, jinghikai ki ia pynngam

Khynnah kiba rit, la ki khynnah kiba heh;  
Ban peit ba i shongshit, jingpule ba ki ia khreh.

Khynnah ba shah hikai, da pyndep ia ba la buh;  
Da ia phah batai, ia kaei ka bym sngewthuh.

Nonghikai ba halor tam, ba khamrit ki ia kohnguh;  
U Khlieh nongialam, u da bthah ban pynsngewthuh.

Khynnah kiba smat, la kɨ shkor ki pynshah;  
Ki dei kiba stad, ym ju don ka bym lah

Khynnah ba jaipdeh, jingbatai khlem sngap eɨ eɨ,  
Ka phang kaba eh, ka khlieh ka tdong khlem ɨa peɨ

Khynnah ba lehrain bieit, jingbatai kɨ shu ɨa sngap,  
ɨa jingkylli ki smiej, ki jubab kat shaba lap.

Khynnah kiba shlur, kɨ ju long kiba stad,  
Ha kita kɨ sur, ban kylli ka plie ka lad

Nonghikai uba dom, u ba long duna jingmut,  
Jaka batai shitom, uba ieng da jingpynthut

Nonghikai iba sian, i batai ɨa kumba shad,  
Kumta mian-pa-mian, ki khynnah ɨoh lyer pyngngad

Khynnah peit shata, ha ki shkor ba ki ɨa ngam;  
Nonghikai uba bha, jingbatai te kaba jam.

Iehnoh ɨa ka jaipdeh, te iehnoh ɨa ka lehrain;  
Shaphrang to ɨaleh, kum ka jingsuh ka jingtham.

Nonghikai ba shida, ban ɨa stad ki ɨa thrang;  
Kum ki kmie ki kpa, kiba kwah ban ɨa nang.

Ka ɨing ai jinghikai, ban ɨa stad te ki da kwah;  
Hangta don ka rai, ban pynstad ɨa ki khynnah.

## 22. KA SHNONG ( Phawar bashisha )

Shi iing ar iing la sdang, ba i juh i jaka shong;  
Ha ka jinglamphang, ba hadien la kylla shnong.

Jingsdang ba i kynjah, ba ki iing ki dang duna;  
Nangbun kiba kwah, ba itynnad ka jaka.

Ban shong ki ia wan, suki suki la nang bun;  
Ryngkat ki kha ki man, la nangiar sa ki khun.

La ia bun ki iing, la ia shngain jaka shong;  
La lait ki jingtieng, ba la man da ka shnong.

Jingpyrkhat la long, ban iathung nongkitkam;  
Ka jingkitkam shnong, ba la jied nongialam.

Hapoh u rangbah shnong, u matabor ba la ia buh;  
U peit ia la ka dong, jingpyniaid baroh hajuh.

Ki ju khot teng teng, ba ia lum ia ka dorbar;  
Jingpyniaid ki seng, ban ia id beit ka jingsynshar.

Dorbar ba niewkor, jingryntih ia pyrkhat lang;  
Ha ka burom akor, ban ia biang kynthai shynrang.

Jynjar ka shipa, ba ka ngat ia iwei;  
Iarap ia kita, ki shynrang ne ki kynthai.

Nongialam bastad, ba ia peit naba rit tam;  
Jingjot kam donlad, ba ia biang ki jingialam.

Ka shnong ka la iar, kaba sdang kaba rit tam;  
Bun kam u nongsynshar, ba la bun kynrum kynram.

La sdang ban ia pra, ba ka shnong ka la heh;  
Ban kynriah jaka, la ia don kiba ia khreh.

Jaka rep la khapngiah, kylleng kylleng ki iapra;  
Kumta ki ia kynriah, ki thaw thymmai ha bun jaka

Na la ki jaka shong, la ia leit kham sha jngai;  
Ki seng la ka shnong, ha jaka ba dang thymmai.

Nangbun de ki shnong, ba ki briew ki nang bun paid,  
Ha la ki briew la jong, ba ki thaw sa da ka raid.

### **23. KA RAID.** **( Phawar bashisha )**

Ka juh ka jinglong, ha ka juh ka jingsngewthuh,  
La bun tylli ki shnong, ba ia mih tang na ka juh.

Jinglong ba shisur, ba bun shnong ba bun ki paid;  
Ha kata ka dur, la pynlong sa ia ka raid.

Ki rangbah shnong baroh, ba ia don u matabor;  
La jied sa u lyngdoh, uba long ba kham halor.

Da tang kawei ka shnong, ki la thung ia u lyngdoh;  
Ka knia ka khriam ki ong, ba un ieng kyrkhu kyrdoh.

Ki shnong bun tylli, ba leh niam u lyngdoh;  
Ryngkat ki myntri, kiba long kham hapoh.

Haba hun ki paid, nongsynshar u da suk;  
La ka jong ka raid, ha ka sur ki trai muluk.

Long jaid ha ka kynthai, ka shat ka khein ki kylli;  
Haba kohnguh U Blei, kam lyngdoh ki ia aiti.

Kawei ka kur la ieng, la kyntang ka jaid lyngdoh;  
La nang ia hiar pateng, uba leh niam kyrkhu kyrdoh.

Ban koit ki longbriew, ha ka shnong ha ka raid;  
Ban nang bun nangkiew, ka jingbun jong ki paid.

Ha ka rep ka riang, ban ia biang ka jingseisoh;  
Ki kam ba kin phriang, ha jingduwai jong u lyngdoh

Na la ka jong ka raid, u da lum da ka jingkhong;  
Na la ki jong ki paid, kiba dei ki briew lajong.

Ka kam lyngdoh la teh, u da bat la jingkynmaw;  
Ka niam ba u khreh, ha ryngkat la kiba khraw.

Ka niam ba u knia, ki paidbah ba ia don lang;  
Lehniam ba shisha, ba kyrhai kynthai shynrang.

Jingkyrkhu kyrdoh, la jong la jong la ka raid ka jaka;  
Te ha ka jaid lyngdoh, la ka jong ka jong ka bynta.

Tang ka ktien lyngdoh, la shah khot u poi ei;  
Pynshisha ia jingkynnoh, la ka jong ka thymmei.

## 24. KA HIMA. ( Phawar bashisha )

Ki raid la bun jaka, la nangroi khynnah khunlung,  
La khot pat ka hima, da u syiem ba la ia thung

Ki spah ki phew hajar, la ki shnong ha ka hima,  
La ieng ka jingsynshar, da ki syiem da ki patsha

Ki raid jong ki lyngdoh, kiba don la ki myntri,  
La shong dorbar baroh, ha ung syiem ba iatylli

La ki khun ki hajar, ban ia biang ho ban ia bit,  
U ieng ka jingshynshar, ia ba heh ne ia barit

Ha ka ung dorbar, ba ka dei ka ung tainia,  
Ba dei ka ung swar, ban ia lum ia jingshisha

Ia ki jingleh pap, ba ju don kiba len,  
Ha jingbishar la lap, la rai rem syndon ha shen

La len ia ka jingleh, la lehran ban iathuh,  
Pynsmai ha jingeh, ha ka um ka ding ka mluh

Pyneh ha jinglehpap, ha ka niam ba la pynsmai;  
Ki poi ha jingiap, ba ka hok ka la pynwai.

Kita kiba sniew, ka jingtieng ka la wan lap;  
Ki la her syrngiew, ki la kloï ka jingpanmap.

Kiba len hi ialade, ki la ngat ka jah burom;  
Ha u syiem u kmie, ka jingmap bad pynshitom.

Paid u kur u kha, dei ki khun ki hajar,  
U syiem ka hima, uba bat ka bor synshar.

Ki bishar ia jingshisha, ki ia bat kat kum ka hok,  
Leh hok ia kiba bha, pynjynjar ia kiba thok.

Ki buh ki nongiada, ki khlawait la ki khla snar,  
Ki ieng pahara, la ki khun ki hajar.

Hima bad ka niam, ka jingroi ban ia nangpaw;  
La ka knia ka khriam, leh ki syiem bad ki bakhraw

Ka niam jing ka hima, dei ki syiem ki nongialam,  
Ia koit seisoh babha, ka hima ba ka donkam.

## 25. KI JINGIASIAT KHNAM. ( Phawar biria )

Ia beh ia u khiat, da ia peit nangno u jam;  
Sdang ka jingiasiat, u Mangring bad ka Shinam.

Hajan jong ka ding, ka jingsyaid ba ia myllen;  
Shinam bad U Mangring, ba ki long shitymmen.

Kyrhai ia lang ia bun, ba ia bam ia u sohphlang;  
Ka Shinam kha khun, tang arngut da ki shynrang.

Ki soh ba kynther, ba wan thied ki mahajon;  
Shsinam ka la jer, U Shynna, U Battiton.

Ki briew ki treikam, la lulia sa ki shrieh;  
Ka kmie ka ai khnam, bad ka ai la ka ryntieh.



Buh ha karai, ia kita ki doh kyndang,  
Sdang ka jinghikai, ban iasiat ki da ia nang

Jingkwah kaba sdang, ba ka dei ka por tyrkhew,  
La siat u shynrang, ba la dei jaka bathew

I mrad ba dem saktob, ban pyndei ba da i kwah,  
Da u khnam sop, ban pynngam ha jingpynshah

Katno ka jingibang, ba iohi ba ieng ka skei,  
La siat u shynrang, ba la ngam jaka badei

Nangno iaid ka khiat, te hangno dem ka bthong;  
Uba dei ka siat, u sngewtynnad ka bym lah ong

La jied ia u symbai, ba la buh halor u prah,  
Khynnah ki ia shrai, ha la pyndei u rangbah.

Peit ki sohshang, ki la iahap ha ka ktieh,  
Khynnah ki ia nang, ban pongdeng ia ka ryntieh

I bang i jingpynshah, shisien siat u da kheinduh,  
Jingsiat u khynnah, la ka kti u da kyruh

Ka sngi ba sdang shut, la i khun ba i la kwah;  
Ko khynnah barit, to ia ap da kham rangbah.

Tbeh ding haba dum, ban pyndep la ki kam;  
Ia uta u skum, da ia leh ban ia pynngam.

## 26. NONGJOPIASIAT. ( Phawar biria )

Ba ioh set ha sem, shi kynhun ki masi;  
Ngi iuh ngi ia kyrdem, ka ia siat la jop mangi.

Niad ia ka syep, la ki bniat u da shri;  
Tang shu pyllait thyllep, u'nam dei u jongngi.

La wan sa u ngap, ha ita i 'tiew pathaw;  
Mar ia siat hi jrap, ha jingpyrta ha jingkyrkaw.

Kyndong mo kyndong, ba ia kit ia u sohphan;  
Ka dei ka jingong, ban ia ktah jaka ba jngan.

Ba shet ia u kpulum, i kongthei ba long kynrad;  
Peit itai i skum, da iskuin da itynnad.

Ha la u khiew rmong, ba la shet jyntah dohkha;  
Ia rah pisa ia thong, ba la jop ka arkylia.

Kaweh da u thri, ba la her lut te ki skain;  
Ia dei ha ki jongngi, ba la shah pyndem ki tmain.

Ia la u khra kyiad, shna syrwiang da ka snieh;  
Phawar la ka shad, ngi kaweh la ka ryntieh.

Jhur ba ia tah kyiad, da ia kheit napoh khyndew;  
Ngi la sngew tynnad, ba ioh pynngam jaka bathew.

Hapoh ka jingthum, wa i miaw idem saktob;  
Ha itai i skum, la pynngam da u 'namsop.

Iaid kai ki khynnah, shong kali ba iaid tyllun;  
Katba nangdei nangkwah, da pyndei ha ban da hun

Jyntah kaba la phlon, ho ia bam katba lah,  
Ha jingpynshah tyn-on, la pynngam te u rangbah

Shong kulai i pa, i la snoh la u lakam,  
La kut ka ar kylla, ba la ioh la u 'namtam

U kba ba la shoh, ba la kit na la pynthor,  
Donbok ko lok baroh, ba ngin ia jop ho barabor

Die ki jhur khyndiat, ba u lah te da i skuin,  
Jop ka jingiasiat, ka menkmie ka wiat rynnmuin

## 27. IOH MRAD. ( Phawar bashisha )

Jingthaw kiba sniew, ki iathok ialeh maphot,  
Lyngkha, jingri ki briew, ki ialeh ban ia pynjot

Ia u phan ka shriew, la ki miet ki ia bam pap,  
Ia mih paidbah ki briew, ban ia beh ban ia pyniap

Mrad ha khlaw ha btab, ba la khot ki 'laiphewsieh;  
Ia siat ia pyniap, da u khnam da ka ryntieh.

Ki ksew ia long thma, ia ki mrad ki 'laiphewsieh,  
Ksew beh la tip lypa, ba khreh khnam ba khreh ryntieh.

Ka mrad ba la mih, ka jingthap ha la ka it;  
Ksewbeh ki ia khih, ha ka khlaw ba la shongshit.

Sumar u nongthap, u la peit ka diang ka mon;  
U la siat pyniap, ka mrad hangta ka la kyllon.

U ba siat nyngkong, mar ia dei u la pyrtā,  
Uta u ioh doh tdong, uba wan lap u ioh tabla.

Nongpynjot ba la ioh, da ia rah sha la shnong;  
Ban ia ioh peit baroh, la i bah bad la i kong

Shna da ka krong, ban ia rah ban ia risa,  
Ka mrad khlem jinglong, kaba pynjot kaba pynpra

U mrad uba dom, uba jam ka jingkyrhuh;  
Da jingialeh shitom, ban pyniap ban ia pynduh.

Halor jong ka krong, ia teh pynieng da u thri;  
Ia rah sha la shnong, ia phawar artad lynti.

Lajan poi ha shnong, la pynjam ka jingrisa;  
Wan mareh i bah i kong, ba la kmen i mei i pa.

Nongpeitkai ia wan, ieh shuwa halor ka krong;  
Ki mareh bran bran, ban peitkai baroh sawdong.

Ia sam doh kyndang, ia kita te ki sew beh;  
Buddien kiba nang, kiba smat ka jingialeh.


Ki la wan ia jngoh, ia u mrad ba khlem akor;  
Ia donbok ho baroh, ban ia ioh man la ki por.

## 28. PHAWAR LEH NIAM.

Kane pat kawei ka jaid phawar kaba donkam ban shu batai noh, namar ia kane la phawar tang da kaba shu put tangmuri, tem bom bad tem ksing. Kane ka long kaba don da la ki jong ki jong ki skit bad ki nongrisa kynhur ne kynhir ki long kiba tip kiba ia nang ban ap ia ka skit ban kynhur kynhir katkum ka bynta jong ka niam.

Nga U Nongthoh ia ki jingphawar nga ngeit skhem, ba ki nongpule ki la shai

Nongthoh





## **Da Ujuh u Nongthoh**

1. Ka kot Mei Pa.
2. Ka kot Saipar.
3. Ka Budjer.
4. Ka kot Ri Ksoh.
5. Ka kot Rimbah.
6. Ka Pariah ka kot Jingphawar.
7. Ka la-miat.
8. Ka Pakit.